

5

Ei faaineineraa i te Iupiri 1997 Te âveia no te fenua Tahiti na nià ia «Tarapu»


Pour préparer le Bicentenaire de l'arrivée de l'évangile en mars 1997

Le long et périlleux voyage du «Duff» après avoir changé de cap, commence son entrée dans l'océan Pacifique et notamment le passage au sud de l'Australie le 29 janvier 1797, puis le sud de la Nouvelle-Zélande le 14 février 1797, non sans pour autant affronter les caprices de la mer ou bien même, rencontrer des bancs de poissons qui du coup, apportent un changement dans leur «rations alimentaires», et continuer également les réunions hebdomadaires du «Conseil des missionnaires» avec le capitaine du bateau dont le but est de préparer aussi les missionnaires, la plupart d'entre eux étant jeunes, dans la tâche d'évangélisation dans l'île de Tahiti.

Manava i te farereiraa, e te feiā taio veā, i teie matahiti āpī 1997. A farii mai i te tapao aroha o to outou mau tavini e haa nei no te parau tuatapapa no te āāi no te Etaretia, no te mau òhipa i tupu i te fenua Peretane i te 18 no tenetere e te āfairaa-hia mai te Evaneria i to tatou mau pae motu. I roto i ta tatou veā no te avaè titema ra, ua tatarahia atu te tere o Tarapu na roto i te ava parauhia «Cap de Bonne Espérance» i muri aè i te faaotiraa faufaa roa tei ravehia e te tapena o James Wilson, eiaha ia tere faahou na roto i te ava «Cap Horn» na roto i te hoè vero rahi tei tupu e te puai atoà o te ôpape, e tauri rā te âveia. Ei pūōraa i ta tatou nei tuataparaa, i te omuaraa no te avaè Tenuare 1797 e te reira, mai roto mai i to ratou oraraa mai i te oroā Noera matamua roa i nià i te pāhi e tae noa atu te hopeā matahiti 1796, ua tupu te tahi mau fifi i nià vètahi o te mau mitionare mai ia Samuel Clode tei roohia e te hoè fiva rahi, na

reira hoè ia John Buchanan, te hoè o te mau mitionare, tei mai atoāhia, no te mātau òre i te tere pahi, ua tapeā noahia raua i nià i te roì, rapaa noa hia atu ai. Areā rā, te hoè pae o te mau mitionare (E vaū rātou i maitihia) ua putuputu ia rātou e te tapena o te pahī, arataihia taua putuputuraa ra e te orometua Thomas Lewis, e te reira e piti mahana i te hopetoma, te mahana piti e te mahana maha, no te faanahono atea i ta ratou mau ohipa pororaa Evaneria i te motu no Tahiti, e no te faaineine atoā ia ratou i roto i te feruriraa i te hoè irava no roto mai i te Pipiria, mā te ìte atoā e, te rahiraa o te mau mitionare, e mau tino āpī ia (21 matahiti te faito raro roa) aita atoā hoè te hoè faanahora pāpū i ravehia no te faaineine ia ratou no te òhipa pororaa Evaneria i te fenua Tahiti. Mai teie rii te huru no taua putuputuraa ra no ratou i nià i te pahi, i nià ihoā rā terā tuhaa no te feruriraa pipiria. E faataahia te hoè mitionare na na e maiti mai i te hoè irava, e ia faarahia te mau mitionare no te irava, ia nehenehe atoā ia ratou ia haamata i te feruri hou te putuputuraa no te mahana piti e te mahana maha. I te mahana putuputuraa, i reira e ôpere ai te manaò no nià i te irava i horoāhia, e e titauhia te mau mitionare atoā tei ruru mai ia paraparau, ia faaite i te manaò. E horoāhia te hoè faito ahuru minuti i te taata hoè ia paraparau. Te pae hopeā no te putuputuraa, e roaa mai te hoè haapiiraa rahi mai roto mai i te mau ôpereraa manaò. Aita anei teie faanahora e faahanao maira ia tatou i teie nei maha-

na, te faufaa rahi no te mau rururaa orometua i te mau hopetoma atoā i roto i terā e terā tuhaa no te feruri e te faaineine āmuiraa i te hoè poroi, mai roto mai i te parau na te Atua. No te mau mitionare, ua rave ratou i taua tuhaa ra i nia i te pahī, e i nià i teie moana rahi paruparu. A taa noa atu ai teie farereiraa no ratou e piti taime te hopetoma, e tauturu atoā na ratou i te mau ihitai i te tamaraa i te pahī, te hororoiraa i te mau pāni tunuraa māa, na reira atoā hoè te parau no te tunuraa i ta rātou māa. E nehenehe e parauhia, ua faanaho māite atoā te ma mitionare ia rātou no to rātou oraraa i nià i te pahī i te mea hoi, mai to rātou faaruēraa i te uahu no Ronetona, ua roahia 12 000 miles i teie nei te tere o te pahī i nià i te moana, e te mau fifi e rave rau tei tupu mai. Ia hiò atoāhia, ua roahia te faito e 97 mahana tō rātou tere i muri aè i tō rātou faaruēraa i te tuhaa no Rio de Janeiro, i te fenua Peretiria. I roto i to rātou tere no te avaè tenuare 1797, aita e òhipa fifi rahi roa i tupu mai, maori rā te maitai ia o te tere e te tahi mau taime, e farerei na ratou i te mau manu e rave rahi tei faaite mai ia ratou e, te vai ra te tahi mau iā rarahi, e nehenehe atoā ai ia ratou ia tautai mai, no te haamaitai i ta ratou maa i nià i te pahī. I te taio 29 no tenuare 1797, ua tere o Tarapu na te pae apatoā no te fenua New Holland (Auteraria i teie mahana) na reira atoā i te pae apatoā no te fenua Autearoo (Niu-Terani) i te taio 14 no Fepuare 1797, tei faaite mai i te tapena e te feiā atoā i nià ia Tarapu e, ua ô mai ratou i roto i te tuhaa no te moana Patitifa, e e fano tiā atu ai i te motu no Tahiti. I te veā i muri nei, e fanaò mai ai outou te pūōiraa no teie parau.



Gaston Tauria